



Área / Unidade PARTICIPACION CIUDADANA PC1100 PLZ	Documento 23819I01UN	
Código de verificación 	Expediente 238/2025/48	
0F48 4P00 1232 4V6S 02WT	Fecha 19-09-2025	

BASES DA CONVOCATORIA DE SOLICITUDE PARA O USO DOS LOCAIS DE ENSAIO

O Concello da Coruña, a través da Concellaría de Benestar Social, Participación e Igualdade organiza unha convocatoria pública para a solicitude de uso dos Locais de Ensaio durante o período de outubro de 2025 a marzo de 2026, para mozos e mozas da Coruña, solistas ou membros de grupos como espazo onde desenvolver as súas inxedanzas musicais.

Capítulo 1.

Artigo 1. Obxecto

A presente instrución ten por obxecto establecer as condicións de uso dos Locais de Ensaio da Concellaría de Benestar Social, Participación e Igualdade, durante unha nova quenda de duración semestral.

Capítulo 2. Réxime de participación

Artigo 2. Consideracións previas

Os Locais de Ensaio da Concellaría de Benestar Social, Participación e Igualdade son un servizo público de titularidade municipal destinados a facilitar un espazo para o ensaio musical, de xeito gratuíto e en condicións de igualdade, aos mozos e mozas da Coruña, solistas ou membros de grupos, que cumpran os criterios establecidos no artigo 3 do regulamento de uso dos Locais de Ensaio. Este espazo para a mocidade está integrado por tres locais de ensaio e por unha sala de control con capacidade para gravar maquetas e ensaios.

Os grupos que forman parte dos Locais de Ensaio teñen unha autorización de uso de 3 horas semanais.

Todas as solicitudes recibidas de grupos e/ou entidades serán valoradas por unha comisión, tras presentar formalmente a súa solicitude, nos prazos habilitados, dentro da convocatoria pública que o Servizo Municipal de Mocidade levará a cabo durante os meses de outubro de 2025 a abril de 2026.

Artigo 3. Condicións xerais

A. Requisitos

A valoración realizarase seguindo os requisitos e criterios que se reflicten no regulamento do Locais de Ensaio e que se expoñen a continuación con orde de prioridade. O equipamento acollerá os grupos do concello da Coruña, cuxos integrantes teñan un mínimo de 12 anos cumpridos a 27 de outubro de 2025. Considéranse grupos do concello da Coruña aqueles en que, cando menos a metade dos seus compoñentes, estean



Concello da Coruña

actualmente empadroados na Coruña ou matriculados nalgún centro educativo do concello da Coruña no presente curso.

Daráselles prioridade a aqueles grupos cuxos compoñentes sexan menores de 30 anos. Porén, os grupos musicais nos que algún ou algúns dos membros excedan da referida idade terán igualmente a consideración de grupos xuvenís, para os efectos de poder acceder ao uso dos locais cando polo menos a metade dos seus membros cumpran o requisito da idade.

A valoración realizarase seguindo os requisitos e criterios que se reflicten no regulamento dos Locais de Ensaio e que se expoñen a continuación por orde de prioridade:

- Formar parte da listaxe de agarda sen posuír a condición de usuario dos locais de ensaio.
- Ter feita a solicitude no período de inscrición marcado polo Departamento de Xuventude para tal fin e cumprir todos os requisitos.
- Grupos que, estando como usuarios nos Locais de Ensaio, volvan presentar a solicitude no período de inscrición e cumpran por esta orde, os seguintes requisitos:
 - Que todos/as os/as compoñentes sexan menores de 30 anos e acaden un 75% na asistencia no período anterior con todos os integrantes do grupo, ou ben o 90% de aproveitamento aínda que faltara algún integrante por ensaio.
 - Que cando menos dous terzos dos/as compoñentes sexan menores de 30 anos.
 - Os grupos restantes que, cumprindo todos os requisitos, xa participasen como usuarios na anterior quenda de ocupación dos locais, incluídos aqueles grupos que foran apercibidos por un leve mal uso do servizo, ou tiveran un índice de asistencia insuficiente.

Antes do comezo de cada quenda semestral farase unha xuntanza con todos os grupos inscritos co fin de asignar os horarios de ensaio, segundo os criterios anteriormente expostos. A convocatoria realizarase vía correo electrónica.

B. Documentación a presentar

Poderán presentar solicitudes para o uso dos Locais de Ensaio aquelas persoas que, a título individual ou en representación dun colectivo musical, precisen dun local para realizar os seus ensaios.

Xunto coa solicitude, **haberá que achegar a seguinte documentación:**

- Volante de empadramento no Concello da Coruña con data de 2025 ou resgardo de matrícula do centro educativo da cidade para o curso 2025-26 de, cando menos, a metade dos/as compoñentes do grupo
- Fotocopia do DNI de cada membro do grupo
- No caso de que as persoas solicitantes sexan menores de idade, autorización do pai, nai ou responsable legal, para as actividades de ensaio como para as outras actividades propostas polos Locais de Ensaio (gravación, exhibición e formación).
 - O modelo de autorización poderá descargarse en www.coruna.gal/mocidade e no blog dos Locais de Ensaio (<http://locaisdensaio.blogspot.com>)
- Fotocopia do DNI da persoa que asine o permiso paterno/materno, ou do titor ou da titora.

C. Prazos de presentación

Os grupos que desexen participar deberán enviar a solicitude oficial e a documentación requirida a xuventude@coruna.gal



A solicitude oficial poderá descargarse na web municipal www.coruna.gal/mocidade e no blog dos Locais de Ensaio (<http://locaisdensaio.blogspot.com>)

A documentación requirida deberá ir anexa o e-mail de inscrición ou enviarse a través do servizo de envío e recepción de arquivos do Concello da Coruña "aivai!" ao que se pode acceder no seguinte enderezo: <https://aivai.dinformatica.aytolacoruna.es/aivai/>. Non terán validez os envíos de documentación mediante un cartafol do tipo *Google Drive*, *iCloud* ou similar.

O prazo de presentación de solicitudes será desde o día **23 de setembro até o 3 de outubro de 2025 ás 13.00 h.**

Todas as solicitudes aportadas fóra do prazo habilitado serán atendidas, por orde de recepción, a partir do 27 de outubro de 2025.

Unha vez finalizado o prazo de presentación de solicitudes iniciárase o proceso de valoración das mesmas por unha comisión que estará formada pola concelleira de Igualdade, Benestar Social e Participación ou a persoa na quen delegue a súa representación, un/unha funcionaria, persoal técnico do Servizo Municipal de Mocidade e o coordinador dos Locais de Ensaio.

D. Criterios de valoración

As valoracións da comisión realizaranse en función dos criterios establecidos no regulamento dos Locais de Ensaio da Concellaría de Benestar Social, Participación e Igualdade.

E. Resolución

A partir do 7 de outubro poderá consultarse a listaxe provisional de grupos na web www.coruna.gal/mocidade e no blog dos Locais de Ensaio <http://locaisdensaio.blogspot.com>

As persoas interesadas poderán presentar as alegacións que estimen oportunas na defensa dos seus intereses, nun prazo de 10 días naturais que rematará o luns 20 de outubro ás 13.00 h. Unha vez transcorrido este período, a **listaxe definitiva** será aprobada pola Concellaría delegada de Igualdade, Benestar Social e Participación e publicárase, **a partir do 22 de outubro de 2025**, en www.coruna.gal/mocidade e no blog dos Locais de Ensaio <http://locaisdensaio.blogspot.com>.

Será notificada individualmente aos grupos vía correo electrónico, convocando aos grupos aptos á xuntanza de adxudicación de horarios, en base ao exposto no artigo 3, parágrafo A destas bases.

Artigo 4. Condicións específicas de uso dos Locais de Ensaio

Cada grupo deberá ter en conta as seguintes condicións:

- Firmar un documento de autorización do uso das instalacións indicadas.

Nel figurará o nome da persoa solicitante, o seu DNI, o nome do grupo, a relación de membros que compoñen o grupo, os días e as horas en que está autorizado a utilizar os locais e a sala que debe empregar. Esta autorización estará ao disposición do grupo nos



Locais de Ensaio. Calquera baixa ou alta dalgún dos compoñentes do grupo terá que ser comunicada á persoa responsable do equipamento.

- Aceptar e cumprir o regulamento interno de uso dos Locais de Ensaio
- Asistir ás reunións que se convoquen con motivo de comunicacións e información sobre o uso e as dinámicas dos Locais de Ensaio. Cada grupo terá que enviar, polo menos, a un dos seus membros para asistir á reunión en calidade de representante.
- Todas os grupos deberán seguir en todo momento as instrucións da organización para o bo funcionamento dos Locais de Ensaio a risco de ser penalizados no caso de non respectar as indicacións do persoal responsable, tal e como se recolle no regulamento.

Artigo 5. Horario de apertura dos Locais de Ensaio

O horario xeral de apertura dos locais será o seguinte:

- De tarde: luns e mércores, de 16.00 a 22.00 horas
- De mañá: xoves, venres, sábados, e domingos, de 11.00 a 14.00 h e de 16.00 a 22.00 h.

Os grupos residentes nos Locais de Ensaio poderán usar os locais 3 horas semanas na franxa horario que se determinará na xuntanza de presentación.

O uso dos locais de ensaio está supeditado á non coincidencia de eventos no recinto do Coliséum que puideran ser considerados incompatibles coa súa utilización. Esta continxencia sería notificada, sempre que sexa posible, cun mínimo de 5 días de antelación. O horario establecido terase que respectar e deberase axustar ás franxas horarias reservadas para cada usuario/a. As persoas usuarias deberán ser puntuais á hora de finalizar o ensaio.

O horario fixado para o ensaio incluírá o tempo de montaxe e desmontar os instrumentos.

Artigo 6. Obrigas dos grupos participantes

- Respectar os horarios e os locais asignados, así como o persoal responsable destes e os/as compañeiros/as de actividade.

Non caben actitudes, comportamentos nin actividades contrarias aos dereitos humanos ou que supoñan unha discriminación por razóns do grupo humano, sexo, lingua, cultura, relixión, ideoloxía, condición social ou persoal.

- Cubrirase o parte de asistencia por parte do persoal responsable. No caso de non utilizar o local en tres ocasións consecutivas mensuais ou en seis trimestrais, sen xustificación, serán dados de baixa do uso deste equipamento.
- Só poderán acceder ás instalacións as persoas autorizadas e os membros do grupo. Queda prohibido o acceso ás instalacións por parte de persoas alleas. Só se poderán acceder en casos puntuais logo de ser autorizadas pola Concellaría ou polas persoas delegadas.
- Non se pode trasladar material dunha sala a outra nin almacenar materiais.
- Unha vez rematado o ensaio, o local e o material deben quedar recollidos para ser utilizados polo seguinte grupo. Extremarase o coidado na manipulación do material e dos cables.
- No caso de producirse danos por negligencia ou mala fe, o grupo que os ocasione, a través do seu representante, deberá repoñer integramente o danado ou abonar o importe íntegro da súa reposición.
- Cada solicitante é responsable da limpeza básica das instalacións que se lle autorice usar e deberá deixar o local nas mesmas condicións nas que estaba á súa chegada.
- Para asegurar o respecto de todos os grupos e usuarios/as, así como a seguridade e a hixiene, non se permite fumar, consumir bebidas alcohólicas nin comer nos locais.
- Co fin de preservar, tanto o equipamento dispoñible como a saúde auditiva dos usuarios e usuarias, limítase o nivel de presión sonora a 110 dB SPL, dispoñendo



Concello da Coruña

dun sonómetro calibrado para facer as medicións por parte do persoal. En todo caso, recomendamos o uso de atenuantes auditivos (tapóns) como xeito de prevención sensorial, e non tocar os instrumentos entre unha canción e outra, co fin de descansar o oído.

Capítulo 3. Control

Artigo 7. Seguimento do funcionamento

A Concellaría de Igualdade, Benestar Social e Participación, a través do Servicio Municipal de Mocidade, fará un seguimento para comprobar o bo funcionamento dos Locais de Ensaio e dos grupos participantes.

Artigo 8. Cumprimento da instrución

Estas bases son de obrigado cumprimento para todos os grupos que soliciten o uso dos Locais de Ensaio municipais.

O incumprimento das condicións das presentes bases, poderá implicar a perda do dereito a participar en próximos convocatorias realizados por esta concellaría durante un período dun ano, sen prexuízo das responsabilidades ás que dea lugar a normativa vixente.

Aquelas situacións que no aparezan expresamente recollidas nestas bases serán solucionadas polo responsable técnico municipal, ao que lle corresponde a interpretación das presentes bases.

Capítulo 4. Datos de carácter persoal

Artigo 11. Datos de carácter persoal

Os datos rexistrados polos participantes nas solicitudes, serán recollidos e tratados conforme á Lei Orgánica 15/1999, de 13 de decembro, de Protección de Datos de Carácter Persoal. De acordo coa mencionada lei os concursantes poderán exercer o seu dereito de oposición, acceso, rectificación e cancelación nos termos previstos na lei.

Disposición final

A participación nesta convocatoria supón a total aceptación das bases así como do *Reglamento interno de uso dos Locais de Ensaio*.

A Coruña, na data da sinatura electrónica do presente documento

A técnica de Xuventude

Patricia Lesta Zas, Patricia

A xefa de departamento de Participación e Xuventude

Cristina Vara Vázquez

A concelleira de Benestar Social, Participación e Igualdade

Nereida Canosa Domínguez